



### H Panganganak at Pag-alaga ng bata

[Bumalik sa TOP ng H Childbirth/childcare](#)

Isang malaking pangyayari sa buhay ng tao ang panganganak at pag-aalaga ng bata. Dito ilalahad ang mga kailangang isagawang proseso at suportang serbisyo para sa pag-alaga ng bata mula sa pagbubuntis hanggang sa aktwal na panganganak.

## 1 Pagbubuntis

Isang malaking responsibilidad ang pagbubuntis at panganganak para sa isisilang na bata. Kung maaari, gawin ang pagbubuntis at panganganak sa isang ideyal na kapaligiran, hindi lang para sa mag-asawa kundi para na rin sa isisilang na anak. Mangyari lamang na ipadala ang notipikasyon ng pagbubuntis sa tanggapan ng munisipyo sa lalong madaling panahon kapag nalaman na ang pagbubuntis.

Sa Japan, ipinagkakaloob sa mga buntis ang talaan ng kalusugan ng mag-ina (o boshi kenkou techou). Mayroon ding mga kurso o klase na binubuksan tungkol sa kaalaman ng pagbubuntis/panganganak/pag-aalaga ng bata.

### 1-1 Kapag buntis

Kapag buntis, ipasa ang notipikasyon ng pagbubuntis (ninshin todoke) sa tanggapan ng munisipyo sa inyong tinitirhang lugar. Magkaiba ang lugar kung saan ipinapadala ang notipikasyon ng pagbubuntis (ninshin todoke) ayon sa tanggapan ng munisipyo. Para sa mga detalye, mangyari lamang makipag-ugnayan sa tanggapan ng munisipyo. Makakatanggap ng talaan ng kalusugan ng mag-ina (boshi kenkou techou) kapag pinadala ang notipikasyon ng pagbubuntis.